

## **Tungkol saan ang modyul na ito?**

Ang modyul na ito ay tungkol sa birdflu o trangkaso ng ibon. Tinatalakay sa modyul na ito ang mga palatandaan ng sakit. Ituturo rin sa iyo ang mga pamamaraan upang maiwasan ng iyong mga alagang ibon at maging ng iyong pamilya ang ganitong uri ng epidemya.

Upang mapadali ang iyong pagkatuto, ang modyul na ito ay hinati sa apat na bahagi tulad ng sumusunod:

- |          |                                   |
|----------|-----------------------------------|
| Aralin 1 | Palatandaan ng Birdflu            |
| Aralin 2 | Pagkalat ng Bird Flu              |
| Aralin 3 | Pag-iwas sa Bird Flu              |
| Aralin 4 | Paglaban/Bantay Laban sa Bird Flu |

## **Ano-ano ang matututuhan mo?**

Sa pagtatapos ng pag-aaral ng modyul na ito, inaasahang magagawa mo ang sumusunod:

1. nasasabi ang mga palatandaan ng sakit na birdflu;
2. naipaliliwanag kung paano nakukuha ang sakit na tatalakayin;
3. natutukoy ang mga pamamaraan ng pag-iwas sa naturang sakit; at
4. naiisa-isa ang mga bayan na maaaring panggalingan ng sakit.

## Ano-ano na ang alam mo?

Iguhit ang tsek (✓) sa sagutang papel kung ang mga wastong pangungusap at eks (✗) kung mali.

- \_\_\_\_\_ 1. Ang mga love birds ay dinadapuan ng birdflu.
- \_\_\_\_\_ 2. Nakakaiwas sa birdflu ang mga ibon dahil sila'y nakalilipad.
- \_\_\_\_\_ 3. Maaari kang mahawahan ng birdflu sa paghawak at paghaplos sa ibong may birdflu.
- \_\_\_\_\_ 4. Ang mga ibong lumilipad ang nahahawahan ng birdflu dahil nakakasama nila ang nagdadala nito.
- \_\_\_\_\_ 5. Gumagaling agad ang may birdflu sa ibon, paglipad o pag-alis ng ibong may dala nito.
- \_\_\_\_\_ 6. lilan ang mamamatay sa isang manukan kung iisa sa manok doon ang nagkaroon ng birdflu.

- \_\_\_\_\_ 7. Makahahawa ang taong makakain ng manok na apektado ng birdflu.
- \_\_\_\_\_ 8. Kung nakakain ang tao ng karne sa apektado ng birdflu mahahawa siya.
- \_\_\_\_\_ 9. Kinakailangan patayin na lahat ng alagang manok kung ang kalahati sa manukan ay may birdflu.
- \_\_\_\_\_ 10. Maaaring walang palatandaan ng birdflu ang ibang may dala nito.


Tingnan ang Susi ng Pagwawasto sa pahina 50.

Kumusta? Mataas ba ang nakuha mong iskor? Kung mataas, basahin mo pa din ang nilalaman nito upang madagdagan pa ang iyong kaalaman. Kung hindi mataas, para sa iyo ang modyul na ito. Ipagpatuloy ang pag-aaral nito.

Aralin

1

## PALATANDAAN NG BIRDFLU



## **Tungkol saan ang araling ito?**

Tinatalakay sa araling ito ang mga palatandaan ng sakit na birdflu. Inaasahang makatutulong sa iyo ang araling ito upang maiwasan ang birdflu.

Pagtapos ng araling ito, magagawa mo na ang sumusunod:

1. naipaliliwanag ang mahahalagang bagay na nakikita sa paligid na nauukol sa sakit na birdflu;
2. nasusuri ang mga suliranin na nakaaapekto sa kalusugan ng pamilya at ng komunidad; at
3. nai-aangkop ang sarili sa mga dalang suliranin ng sakit na birdflu.






## Pag-isipan Natin

### BABALA

Payo sa mga manlalakbay:

1. Iwasan ang mga parke ng ibon at manukan.
2. Iwasan ang mga pook na may mga ibong ligaw na nagpapalipat-lipat sa isla.





## Basahin Natin

### Ulo Ng Balita

#### ***Mas nakamamatay pa sa SARS LOVEBIRDS na may bird flu Nakapasok***

May dalawampu't anim na lovebirds ang kinumpiska ng pulis. Hinihinalang may dala ang mga ito ng birdflu. Kapansin-pansin na ang mga ibon ay nagtataglay ng sintomas ng birdflu. (1) Nananamlay, namamanas, at nangangapal ang balat sa mukha at leeg, (2) nangingitim ang palong at leeg, (3) naghahabol ng paghinga, (4) nanghihina, (5) napaparalisa, (6) nag-iipot, (7) biglaang pagkamatay. Umabot sa isandaang porsyento ng ibon ang namamatay. Bumababa din ang produksyon ng itlog.





## Subukin Natin

Ano ang ibig sabihin ng mga salitang may guhit? Piliin ang tamang sagot mula sa kahon at isulat ito sa sagutang papel.

1. Bumabagsak ang produksyon ng itlog.  
\_\_\_\_\_
2. Namamanas ang balat sa mukha at leeg  
\_\_\_\_\_
3. Pagkamatay ng mga manok na umaabot  
Isang daang porsyento. \_\_\_\_\_  
\_\_\_\_\_
4. Nanghihina \_\_\_\_\_
5. Paghabol ng hininga \_\_\_\_\_
6. Madalas na pagdumi \_\_\_\_\_

Tingnan ang Susi ng Pagwawasto sa pahina 49.

Nagtatae

peste

Mahinang  
mangitlog

Matamlay

Hinahapo


Namamaga

Maramihan



## Basahin Natin




Isang uri ng sakit ng mga ibon.  
at manok ang birdflu o trangkaso  
sa ibon. Mabilis mahawa nito ang  
manok at pabo. Maaari ring  
mahawa ang tao dahil taglay  
nito ang isang uri ng trangkaso.







## Alamin Natin

### Mga palatandaan ng bird flu.



1. Pananamlay
2. Pagbagsak ng produksyon ng itlog.
3. Pamamanas at pangangapal ng balat sa mukha at leeg.
4. Pamamaga at pangingitim ng palong at labi.



5. Biglaang pagkamatay ng mga manok na umaabot sa isangdaang porsyento.

6. Paghahabol ng hininga.

7. Panghihina at pagkaparalisa

8. Pag-iipot



## Tandaan Natin

- Ang salitang Avian ay nangangahulugang ibon at ang salitang influenza ay trangkaso.
- Ang birdflu ay bunga ng isang virus na “Highly Pathogenic”. Ito ay isang uri ng maliliit na mikrobyo na nagdadala ng sakit na madaling kumalat at makahawa.



## Kwentahin Natin

Kwentahin ang sumusunod na suliranin.

1. Ayon sa balita, nakakumpiska ang Custom ng 26 na lovebirds sa bawat isang daungan. Kung anim na daungan ang nakuhanan ng lovebird, ilan lahat ang lovebirds na nakumpiska?
2. Si Mang Ian ay may alagang tatlongput-anim na ibon sa isang hawla. Siya ay may pitong hawla. Ilan lahat ang alagang ibon ni Mang Ian kung pagsasamasamahin ang laman ng pitong hawla?

Sumangguni sa Susi ng Pagwawasto pahina 49.



## Alamin natin ang iyong natutuhan

P	B	G	F	T	Y	O	P	G	H	M	B	Q	W	E	R	T	Y	U	I	O	A	S
D	A	F	G	H	J	K	L	Z	X	C	V	B	N	M	Q	N	W	E	H	R	T	N
Y	U	N	I	O	P	P	A	M	A	M	A	G	A	W	E	A	R	T	I	Y	U	A
I	O	A	A	P	A	S	D	F	G	H	J	K	L	Z	X	M	C	V	N	B	N	P
M	Q	M	J	N	K	L	Z	X	C	V	B	N	M	W	E	A	R	Y	A	U	I	A
W	E	A	S	D	A	F	G	H	J	K	L	Z	X	C	V	M	B	N	H	M	Q	P
R	T	M	W	E	R	M	A	H	I	N	A	T	Y	U	I	A	O	P	A	A	S	A
Y	U	A	D	F	G	H	L	J	K	L	Z	X	C	V	B	T	N	M	P	S	Q	R
I	O	N	W	E	R	T	Y	A	U	I	O	P	A	S	D	A	F	G	O	H	J	A
P	A	A	K	L	Z	X	C	B	Y	N	M	Q	W	E	R	Y	T	Y	U	I	O	L
S	D	S	P	A	S	D	F	G	J	K	L	A	S	D	F	G	H	J	K	L	Z	I
F	G	X	C	V	B	N	M	Q	W	E	R	N	A	G	T	A	T	A	E	T	Y	S
R	T	Y	U	I	O	P	A	S	D	F	G	H	J	K	L	X	C	V	B	N	M	A

Hanapin ang mga sumusunod na salita sa kahon at bilugan ito.

- |                 |              |                 |
|-----------------|--------------|-----------------|
| 1. Panananamlay | 4. Namamanas | 7. Napaparalisa |
| 2. Pamamaga     | 5. Nagtatae  | 8. Hinahapo     |
| 3. Nanghihina   | 6. Namamatay |                 |

Tingnan ang Susi ng Pagwawasto sa pahina 50.